

18 SEP 1998

Mahathir-Nurul

PM UCAP TAHNIAH KEPADA NURUL HUDA BAHARIN

Oleh: Jamaluddin Muhammad

LANGKAWI, 18 Sept (Bernama) -- Perdana Menteri Datuk Seri Dr Mahathir Mohamad, yang menyaksikan acara menembak di Lapang Sasar Menembak Antarabangsa Langkawi di sini, hari ini mengucapkan tahniah kepada penembak wanita negara Nurul Huda Baharin di atas kehebatannya memenangi pingat emas pertama negara dalam acara menembak Sukan Komanwel ke-16.

Nurul juga memecahkan rekod acara air rifle individu wanita akhir itu dengan mengutip 494.8 mata.

Walaupun tangan kanannya belum pulih sepenuhnya berikutan kemalangan jalanraya di Kuala Lumpur bulan lepas, Nurul berjaya mengatasi rekod acara itu yang dihasilkan oleh Fani Theofanus dari Cyprus dengan 488.7 mata.

Kehadiran Dr Mahathir di lapang sasaran itu diiringi oleh Datin Seri Dr Siti Hasmah Mohamad Ali dan Menteri Belia dan Sukan Tan Sri Muhyiddin Yassin.

-- BERNAMA

JM NH NAK